

義烏縣志

卷十一
至卷十四

主持：吳潮海
承辦：傅健

萬歷義烏縣志

著者：（明）周士英修、吳從周等纂

影印：義烏市志編輯部

地址：稠城鎮康園路30號，郵編：322000

藏版：浙江省圖書館

印刷：江蘇省金壇市古籍印刷廠

二〇〇五年三月第一次印刷 印數：〇〇一—五〇〇

工本費：貳仟圓

義烏縣志卷之十一

人物傳

名宦

自秦罷侯置守而守令重而今最親民則令又重故
下邑樹風一鄉為績生魚致頌留犢貽恩迄今撫其
簡想見其為人竊竊然思俎豆于良牧之列矣烏自
置縣以來長吏而下代不乏賢其間循良之政湮沒
而無聞者不可勝數邈晉以至於今名實並著僅得
三十餘人烏大都辭利刻廉推心置腹出人于阨危

躋俗于仁壽非以武健嚴酷勝其任而愉快者也余
依舊誌所載并今父老所尸祝社稷者編之于傳以
俟後之君子亦得寵張趙于往圖架卓魯于前錄云

晉

縣令

王弘之字方平仕晉為司徒主簿家貧性好山水求為
烏傷令桓玄輔晉桓謙以為衛軍參軍時殷仲文還
姑熟祖送傾朝謙要弘之同行荅曰凡祖離送別必
在有情下官典殷風馬不接無緣扈從謙貴其言及

宋帝辟台一無所就嘗垂釣上虞江三石頭經過者
不識之日夕載魚入郭經親故門各以一兩頭置門
內去典謝靈運相欽重靈運典廬陵王義真牋有云
弘之拂衣歸耕踰歷三紀既遠同義唐亦激貪厲競
其高行為江左名流所景慕如此

元

達魯花赤

亦璘真字毅齋畏兀兒人至正三年以儒林郎來任明
敏不察仁恕有容抑豪強恤群下務以恩信及民時

田政久廢徭役不均乃覈其田以定賦役值歲不登
田使者將徵租公力言之得免十之八九民深德之
又崇禮教興孝悌修學校勸農桑治官舍頽廢者新
之修橋梁以濟不通濬繡湖以興水利在縣六年以
任洮去民思之不置為立去思碑

縣尹

周自強字剛善臨江人至正三年以承直郎來尹循廉
有為其治民一以慈惠阜安為心建局覈田糧令民
自實民不敢欺部使者郡長吏數以疑獄不決者委

之折以片言莫不服其明允又用民餘力治土木飾
儒黌初常平倉公私皆足及書炳解印綬去民不忍
舍為主生祠

皇朝

知縣

王允誠國初以親軍總管來任知縣時承兵火之後廬
井蕩然允誠修舉枵循不踰時而民安堵縣控孔道
民苦軍士侵擾允誠以法懲之頓息允營造及軍需
供億事規措有方允崇重學校善決斷民苦不雨禱

諸神雨輒降歲有秋甫期擢南安守去民涕泣擁留
馬不得行民至于今思之見入名宦祠

張永誠南昌人洪武初以都督府斷事司知事來任為
政簡易吏民悅服創公宇爭相趨赴治行為諸縣最
民思之勿替見入名宦祠

吳佑字吉之山東滕縣人洪武間由監生任公恕廉潔
士民愛戴時有仇均善故謀一家三命屍以乾坐間
薪燬之無驗佑察知乃微行細訪得實首惡議凌遲
處死餘從絞斬有神明號在任田野闢逃亡歸利興

樊革以疾卒民莫不哀慕焉見入名宦祠

李玉字汝成直隸吳縣人以進士授大理寺評事改任
性氣果敢廉介有守時

朝廷營造却使者絡繹來縣催督夫匠一或不集索要
賄賂玉嘆曰豈可剥民以媚人乎惟夙夜勉完厥事
賴以無擾民感之未幾以舊官代解任回京民遮留
弗忍舍後陞監察御史見入名宦祠

李通字道亨直隸密雲人自幼聰慧識見過人以孝聞
由太學上舍特授奉法循謹急先務甚諳練不為深

刻在任十年民庶樂業野無曠土一時風俗歸美後
引年致仕

劉同字伯詢江西廬陵人由進士授任性廉勤課農興
學僚屬相親愛民如子蒞任初有大辟囚通謀吏禁
詐死出獄同是夕恍惚見人披髮跪床下訴冤驚以
為怪明日詐死事聞悟夜告者乃其仇殺人也呼其
父族省諭其人感悟歸獄就死民有以誣死繫憲司
獄十二年者六人繫本縣獄三年者五人會審刑官
至為達其枉皆得免有典盜賊同姓名被誤執繫新

城獄者同設法獲真盜解其人得釋嘗檢驗隣邑玉山屍傷釋誣指者四十餘人壬戌歲大旱躬露跣拜禱三日大雨於堂後作喜雨亭縣嘗發預備倉穀給借以歲饑為請上司豐年還官又特章奏減稅糧民乃得蘇時有靈椿生戒石亭猛虎自投斃皆以為仁政所致郡有二字至縣求以非禮即將其索取民賊上章劾奏本官貪酷非惟民受其害抑且官難守治甲子秋有頑民梗化數逋賦役為手書諭之其人覺悟赴役又有重罪未獲其妻收繫禁卒誘姦怒曰敗

倫傷化禽獸之行重罪其卒嘗重修縣治學校祠宇
橋梁著縣令箴以自警又典縣丞劉傑同緝邑志見
入名宦祠

鄭錫文福建長樂人進士弘治八年任性度恢弘謙折
蒞下嚴明丈量田土清理糧稅禁緝盜賊甚得體查
復繕湖舊迹濬之仍建閘以時啟閉民賴灌漑因於
湖上造亭立石以叙其績號鄭公墩陞監察御史
呂盛字文郁直隸建平人進士弘治十三年任為政務
大體不事煩苛開誠布公作興學校親課農桑見東

江橋北地壞措置修營民不病步重建明倫堂儒學
門創號房四十餘間拓泮池甃石為橋甚有功於黌
校在任六年民殷訟息夜戶不閉有牧民條約鑿鑿
可行陞任去民生祀之

羅栢江西吉水縣人舉人正德九年任廉潔無私禁伏
豪強扶植寡弱尊禮賢士鋤鏟盜賊以正直忤上司
調輿化去之日行李蕭然民攀號而別

方介字子和直隸合肥人由進士嘉靖十五年任弘才
偉畧古貌真心斷獄剛方而素無滯牘躬行儉素而

庫有餘財大書色孝肅詩於座右日誦自警朔望謁
城隍廟高聲盟心於神以其一塵不染烏人呼為方
青天以其剖決如流呼曰方一刻犯人不入歇家炊
爨臺下又呼為方一升自奉清苦至激賞生儒則豐
腴倍常延有學行明師於尊經閣群博士弟子時時
披閱誨誘譽髦蒸蒸然向風性亢直不阿朝無先容
門無私謁或勸盡少貶以諧俗曰吾遭風波妻子皆
魚腹矣幸不死已踰涯分亦復何求故於死生禍福
毀譽是非毫不介意卒忤當道調黃岩公每按部不

附縣佐貳

國朝

縣丞

劉傑字仁傑江西樂平人穎悟好學舉宣德乙卯文學
力行歷政察院正統戊午授本縣丞莅任初方伯黃
津親按部催督軍需邑舊丞業被罪斥傑奉檄以積
逋鉅萬民難卒辦乃畫限分貧富定速遲不兩月而
完集歲大旱盜賊嘯聚剽掠抗捕傑散遣兵夫手書
招諭脇從已卒入賊境獲其渠魁民賴安堵時有告

五虎出山為害其家傷三人即移牒城隍遣捕戶趕
入白巖山洞五虎俱獲庚申夏民憂不雨傑齋沐禱
清潭忽見青虬蜿蜒黑雲四起大雨如注嘗編併圖
分以便徵輸疏請蠲租以活饑饉又上封事十條大
者論待制王公死節填南得謚忠文及天下有司官
為公錯干累審其治行廉能當免提對追罰諸若除
奸革弊利國便民各條

聖明悉採用辛酉邑缺令民以丞能字已群疏請令之
時新令已選部却所請及令至見丞政優得民亦奏

以丞自代部執前言寢其奏而傑名自此益彰邑有
一二豪滑伺傑考績遂任欲投媚漁利傑力鋤嚴拒
滑無所容遂構飛語誣入內臺竟以實得雪遂誣者
服辜民無老稚遮道欣躍兵部勾取邑軍役數十名
例當解查傑體知各軍有丁在衛嘆曰前項解查軍
役近則數千程遠則萬餘里不無往復人難且更申
查為使上司允之諸若修儒學忠孝祠尊賢堂及各
公宇橋梁之類無不備舉所緝有黃文獻王文忠文
集所著有利便奏稿繡川集義烏志總若干卷